山庫全幸

史部

次定四車全野 臣准學士院關報中書劉子奉聖青舉練官二人者仰 欽定四庫全書 宋名臣奏議卷五十三 百官門 臺諫三 上神宗論臺諫闕員宜速選用 宋召臣奏議 趙汝愚 吕 誨 編

政府甄擇賢能除授或聞除選人李定御史定不持母 尚恭諫垣之任仍預舉官之數輒有誠言上神衮闕惟 慶臣所以惟於而不已也臣向以言事得罪雖居外補 於 治命俯及外臣有以見宸東虚好樂聞過失中外均 服為有司劾奏舍人封還詞頭例皆奪職乃付禮官議 其僭越之罪敢避死亡之誅臣聞國朝故事諫官除授 公於天下也御史乃付學士中丞保舉比來任人不次 出於聖選盖耳目機密之任不可緣他歧而進示至

ただりはんこう 為之一空言路梗塞一至於此朝政或闕下情不通則 職以至諫院御史臺闕官日久中及不補者半年三院 無容馬然求忠臣必於孝子之門者以其孝於親則忠 定之罪夫行不為人所信已不足取如或有罪禮法固 官所責甚重數年以來稱職者甚衆大言入則大罪之 小言入則小罪之去者相望於道路來者遲疑不願就 ·移於事君也以定充選其甄録之意可知矣既而公 不與遂以諫官御史並委两省官保任臣竊以臺諫 東名臣奏道

|副陛下虚求之意爲書云朝夕納誨以輔台徳是不可 然後擒選或見任遠方比追還則贖日遲久言職幾廢 納忘倦寤寐思之書於簡策後世為美陛下推廣是心 徒有擇官之名而非開言路之實也兹所以未見至公 近臣所舉員數已多而未聞除授必候自外舉官畢集 金罗四届全重 有所敵馬用事者宣徒然哉臣竊計自詔降以來在京 ·夙夕渴於正論數臣以謂求之之博不若用之之速 日而虚也唐太宗三日不聞諫官言必責輔臣其聽 卷五十三

乞於中外兩禁臣察已舉官數內先擇三五人充諫官 諫者臣伏願陛下恢廣此度而行之則天下之福也仍 用之非則置之乃除誹謗妖言之罪所以通治道而來 消薄國家之大患也刳胎毀卵損傷至微其類猶或不 臣將恐來者艱阻鉗結自安忠臣義士逃逃嚴穴公議 術也如博求其人而信任不固言者既衆而點之不已 至聖人所以為之深誠漢文帝受郎官之書其言是則 既用之則信任而必堅與之圖回於正道斯誠為治之

1 substitute for the state of t

宋名臣奏議

益於聖德也臣待罪譴詢之中不當有言然愛君之義 輔為七人之數今之諫官即古之三公四輔之職其任 臣聞天子有諍臣七人雖無道不失其天下謂三公四 臣所舉諫官二員已具別狀無寧三年上時海已能 陳瀝懇輸忠亦區區自信之效矣伏真髙明特賜首納 與日積深身雖補外而心在王室因被古舉官輔以 餘補御史闕員庶幾言職不為虚設副天下觀瞻宜有 多グピんろう 上神宗論諫官當人主自擇 卷五十三 楊 繪

かんっとりは日から 納諫而昌唐明皇不能終而危之事具布史策不假臣 除附已者為之乃不如不置也徒自蔽於耳目而已陛 然也不爾裝垍安得獨稱美於唐哉為宰相者則必自 委宰相則天下之人悉趨附而無敢陳其不建故置諫 少猶不下三人然皆出於清衷之自擇蓋天子既以事 官以相維之其如位宰相者必不喜諫官之敢言理固 得非重哉擇之可不謹予本朝諫院官多或至五六, 下博通古今至於納諫昌拒諫危之說如唐太宗終始 宋名臣奏議

資深淺之人雜用於以集衆才之美而濟天下之務幸 自可致治豈借賢異代治今日之人哉臣亦願陛下據 言也伏覩孫沐補郡後來官闕而不填者向月得非難 聽其議論不無補於聖聰也勿委宰相除之若委而除 在朝之臣擇其老成語練典故之士而置之諫列以參 升則自編校與敕局而授矣願陛下無聽而廣視之取 其人予臣獨見李絳有云聖王選當代之人極其才分 則以取新進之士不敢異論者不由檢正并條例而

嚴密無由自察之也於是有耳目之官御史亦因衆人 欠是可事全對 一 之才有正則有所謂邪有賢則有所謂不肖人君淵居 奉聖古具析上言俞充事邸得於何人聞奏者臣不肖 臣近論都檢正俞充及開訴事初十日准中書省割子 不足對揚陛下之命承詔震恐惶然失次臣伏念天下 甚明寧四年六月上 上神宗論臺諫言事不當問得之何人 宋名臣奏説 彭汝礪

|陛下使之衆人或為臣言亦非有所欲也迫於臣之誠 臣盡不得聞知外之是非得失將無以照燭幽闇而彌 是非得失無復至於臣輩矣以臣之昏弱不肖而使憲 官吏以漏言於臺諫而廢則衆皆以前車為戒而外之 諸器獲陷弃之中而臣乃獲安馬則臣不唯不容於人 心而已迫以至誠而得之及有所畏避而暴露之而投 亦且得罪於有司夫廢一官吏非足為朝廷輕重也然 而問馬凡臣之糾摘姦悪非有毫髮為其身謀也實自 1.1.1 卷五

疏乞詢於衆及委官盡公根究如有不實則臣為誣善 縁臣論列非一狀御史中丞鄧潤南裏行黃魚亦各有 处置可戶下 為殄行癙流荒遠其又何辭臣無任懇切之至無寧+ 官職皆陛下所予願并納以易罪若猶未也願益察之 材行如陛下知之為詳則臣之罪亦自見矣凡臣所居 縫其空缺臣之罪莫甚馬臣寧自刻不敢奉明的充之 一史裏 行上時權監察 上哲宗乞選置臺諫罷御史察案 宋名臣奏講

道不失其天下唐太宗以髙世之資親定大業然猶克 察然後事行而不悖故孔子曰天子有諍臣七人雖無 臣聞古者天子聽政命百官箴王闕近臣盡規親戚補 魏徵朝夕進諫徵亡而劉洎岑文本褚遂良馬周繼之 爾他日當怒苑西監而皇太子縣諫太宗喜曰朕始得 有言賞太厚者答曰朕即位以來未有諫者故特賞之 已從諫以致太平貞觀初孫伏伽始諫太宗悅而賞之 吕公著

金月四月百十

火之四草全野 一 况先帝新定官制設諫議大夫司諫正言之官其員數 至大萬務至廣方始初清明之際正是求賢納諫之時 政盛德日新皇帝陛下臨朝恭黙未有過事然而天下 者帝王之高致可不務哉恭惟太皇太后陛下自親庶 |兒在膝前見吾悅諫熟美故太宗始以納諫致治而又 月南臺唯一御史不聞過失終致亂亡由是觀之好諫 孫德宗惡諫諍之臣以為賣直取名當時止省閉屋累 以悅諫教其子孫宜乎功烈甚高而鮮及也然至其裔 水名臣奏議

近臣献言即武其法耳伏乞盡罷察案只置言事御史 **亂之大計察官司簿領之細過況唐制湮没已久別無** 號為天子耳目而比年以來專舉六察故事發國家治 福置左右使掌諫諍無空要職益廣言路又御史之官 過失舉朝政之疵繆指羣臣之姦黨陳下民之疾苦言 四人或六人仍記諫官御史並須直言無諱規主上之 甚備伏乞申敕輔弼選忠學骨骾之人正直敢言之士 分明稽據臣在樞府日常見先皇頗已厭其煩碎持因

金りせ

臣家恩過聽使備員御史固將竭盡愚論知無不言而 能獲放嘉言罔伏庶績咸熙天下幸甚元豐八年六月 所言無取姑亦容之以示明盛之世終不以言罪人若 緘默異懦畏避不言者明正其罰如此則左右前後不 有可用不以人微而廢言令或未便不為已行而憚改 殿中侍御史兼察事月乃站監察御史兼言 上哲宗乞増諫員及許察官言事 劉

火足四年全善!

宋名臣奏議

為能咨諏訪逮致人之言開闢其塗使無壅蔽上之公 遺應以一視周四海而無遺照非能身親而自得之也 臣今就職之日首獻其說蓋聖人以一心御萬事而無 竊惟陛下即位臨政之始其所先者宜莫若廣言路故 在職者皆有言責臣今伏見諫官止有大夫一員御史 得輸意自竭雜然至前而聽吾之所擇唯懼乎言者之 卿大夫百執事下之工瞽執藝下賤夠竟負薪之鄙皆 金りロム 不能多也祖宗以來諫官御史張設員品罕不備足凡 ١....

臺自中丞而下雖十員然止於中丞侍御史两殿中於 官員數本臺六察御史並許言事其所領察案自不廢 比之前民之休戚政之利病其於獻納伺察誠恐耳目 責者裁此五人而已天下之大臣工之衆權僭之新朋 之精違者而不與於言則是在朝廷以言為官而任其 法得言事外監察御史六員專於察治官司公事文書 四聰開聚正屈羣策者也臣欲望聖慈於諫院增置諫 之未廣事或有不得盡聞於聖聽者非所謂明四目達 こうこ 水名臣奏説

御為史侍 多定匹库全書 如故所貴共盡忠力交輔聖政臣不勝倦惟九月 輔是也天子一言一動七人者在馬有過不及隨輔正 臣竊以後世諫臣為天子左右耳目之官三代以來官 汝無面從退有後言是也後世七人者不任其責始置 之故人君之失不聞於外不見於下尚書曰予違汝弼 不常置孔子曰天子有諍臣七人所謂七人者三公四 上哲宗乞依六典備置諫官 卷五十三 猕 覺 時年

宗莊獻太后是也臣竊以今者皇帝陛下沖年嗣位太 之職猶使諫官與聞政事國家以來雖不盡用唐制然 |然後從而救之亦已晚矣唐太宗雖不賣宰相以七人 隨即箴規以此見諫官之職必待命令已行闕遺宣播 諫官唐太宗每名宰相平章必遣諫官俱入小有頗失 祖宗朝諫員亦不為少前後以言舉職見於國史磊落 先朝是也人主委任柄臣責成攬要之時諫員常多仁 相望大抵於人主躬親聽決獨斷萬幾之際諫員常以

大己の巨心馬

宋名臣奏議

皇太后同攬政機此宜多設諫員以廣視聽庶幾有補 金月巴尼人 置陳官元豐八 聞識又綿力寡助深恐不逮伏乞特賜指揮依六典備 (直方無所 闕拾遺凡两員今臣獨員供職不惟為蹇朴西無所 若其人庸下姦邪自宜加罪窟斥以肅百察若其 上哲宗乞令臺諫專對 詺 附麗則其所言必有可采如六典諫大夫 倣 八六典置諫官具所置員以聞年九月上時為右該議大夫十 卷五十三 諂 ·御史或殿·自聞八月· 狳 升 監漁

大江口戸八時 廷羣議杜漸防微若臺諫難於請對忠言不獲面陳樞 而已大臣皆至公而無私處事無一 尚容持禄養交之俗成而臺諫風即掃地盡矣伏以陛 此也臣竊惟陛下深居九重所與共天下之事者大臣 巨竊觀症祐治平之間臺諫風節悚動天下比年以來 明詔以諭四方自古聖帝明王欲治求諫之意不過如 下臨御以來登用正人開廣言路發德音以告中外 正言 一员辣議大夫 宋名臣奏議 崱 (نَ 不當於理猶當博

各異則是有終不獲對者矣夫區區疎遠之臣竭誠欲 休假居半聽政不過十數日日引一班而臺諫必待長 僭越之誅為陛下言之陛下隔日一視朝而一月之 壅蔽或生非社稷之福也臣近覩詔古許令臣察請對 機之發既處於失身大馬之心徒懷於總主下情未達 金少日五人 官同對且臺諫之官十有餘員待其議論相同又須無 此實盛德之舉矣然條制未免曲為防阻者臣愚不避 不得次之日方一 獲對若日有不得次之人而或議論 問

春斷指揮許令臺諫寺對如遇當日有不得次之人仍 特引臺諫一班不獨章陛下至誠聽納之德且以廣達 廣也若出於大臣之議則臺諫之對本為大臣而設而 法式若出於故事則自當隨宜增損若出於陛下之意 職嘗謂臺中無長官論事不須關白當時以為知言今 望簾幃披瀝肝膽不亦難哉有唐御史蕭至忠號為稱 則陛下方且至誠聴納乃為是形迹姑媽何示天下不 乃自下制上曲為防阻此尤大不可也伏望聖慈特出

المسلم المسلم المسلم

宋名臣奏議

問不以相語況可使他人聞之哉伏望聖慈察臣之言 雖無問而臣下自立不能無不同既不同則不能無忌 臣竊以納忠之道貴乎盡論事之體貴子密不盡則不 聰明消除壅蔽之患則天下幸甚巧裕元年二月上 金月世后石言 有益於朝廷之道也古之人有以告於君者雖父子之 礙而言有所不盡事有所不密言之不盡事之不密非 足以感動聖心不密則不足以成就機事人主待臣下 上哲宗乞令臺諫專對 王嚴叟

官同奏對今臺諫官須二人同上則似與六曹開封相 當使各盡其見聞以告主上豈可却使互相窥察常得 議亦不關白官長盖欲以各盡其忠豈可上殿却使两 共論於上前此不可不察也故事臺諫官論事不相通 志同道合之人則可若有懷私意持異見者如何與之 盡其忠而無不密害成之失且臺諫官天子耳目之任 特賜指揮依久來故事臺諫官只令一人上殿庶使各 人同也六曹開封有司之事皆有定法所以官長與屬

火芝四草全

米名臣奏議

報其私忽言事官不顧大臣威勢斥言其罪乞行點免 打上時為左司諫軍元裕元年二月 寵之使能言職尋即令人剔抉微細過差逐之使去以 見前後執政大臣每臺諫臣家言有及义者多遷官以 臣竊聞有古除臣給事中聖恩深厚所不敢當然臣伏 類恐非體要如家允臣所奏只乞作出自宸裏批出指 上哲宗己收還給事中新命且在課職 狳 覺

見仁宗朝言事臣豪為國盡也於大臣無所避忌者仁 豈可不為朝廷惜哉臣近因見御史程思在神宗朝論 史黃絳言鎮為相非才即遷絡國子司業罷其言職臣 韓鎮受人私饋馬先朝不為施行程思為國子司業進 者所以報主上之恩行言守之責也何至言未絕於口 神宗挽詞誤落韻亦小過耳言者及之謫守臨江軍御 為朝廷不顧忌諱直節敢言之士慄慄危懼不保其身 而身已擴於外不惟人主威福移於大臣之家又使上

Product is the

宋名臣奏議

之地尚可布露本末為陛下言之一日去職怨嫌已成 事中於臣之私極為禁幸然臣前後論鎮未蒙施行一 聖意者不可勝數宜在斥逐之日久矣今者家恩遷給 多由此出如臣微妙流落於外十有五年神宗晚歲始 日去職使鎮得挾怨中傷臣實未知死所今日在得言 經筵去年七月中始供諫職如臣愚賤前後言事不合| 賜召還皇帝陛下太皇太后陛下臨政之始首蒙握真 宗終始保全之故言者敢肆直言以報國恩一時名臣

金グロルろ

文色写起各等 一 臣竊以諫諍之臣為天子耳目之任救正朝廷之事貴 職他日韓鎮去位之後别有差遣臣不敢解元祐元年 也伏望聖慈特賜指揮收還給事中新命使臣且在諫 如翟思黄絳有希縝意音中臣者臣雖欲自辨不可得 啊辣議大夫一十日 記覺 上哲宗乞今後凡有政令除改才到門下並 今給事中即時開報臺諫 宋名臣奏談 未光庭 五

者皆是已行之事言者急思救止其道無繇又不免暴 政令除改才到門下並令給事中即時關報臺諫所貴 美故事諫臣許隨宰相入問蓋當議論之初便思救補 於人聽不若於命未行之前都無轍跡足以成朝廷之 先事為慮所補不細又足以成朝廷之美伏望聖慈詳 不俟命令已行然後攻其失也臣欲乞朝廷今後凡有 日俾先知之則獻納之間事體甚便近日朝廷所關報 於其初凡政令未安於理除授或非其人於命未行之 发 五十三

酌施行 KNOINE LINED 伏望聖慈特賜罷止以廣聰明以重事體又朝廷 官直舍間斷以防漏泄臣竊以謂天下之事理當 為異處亦非美事臣恐議者故為壅蔽以誤陛下 使諫官先知貴其救正於未行之前況故事諫官 給事同省以防漏泄豈不異哉魚將新修省闥析 許隨宰相入問即是事無所不預聞今却使不與 貼黃臣竊聞議者欲將中書門下後省給舍與諫 宋名臣奏議

金为口屋有量 出入不得與給事中中書舍人相通傳聞之初臣不敢 觀敕文乃是信然臣愚不諭朝廷此舉之意若以謂欲 以為信蓋既謂之同省豈有異戶而出不相見之理及 臣伏觀近降聖古令隔截門下中書两省諫官別開門 授只節略職位姓名更改政令具事目大綱關報 所貨簡便易於施丁元祐元年十一月 若謂給事中難以如首部詳備關報臣欲乞將除 上哲宗論關截諫官直舍 王巖叟

固 與之無間者也陛下不與諫臣為密而與誰為密乎臣 素已甚嚴今更加申敕足矣何必以隔異門牆為事哉 一絕漏泄之弊則臣以謂漏泄在人不在門户門户之禁 以能彌縫朝廷之闕使不見乎外為美故彌縫不厭早 所隔異者乃二三諫官而已諫官為陛下耳目陛下每 不惜推赤心以與之奈何於其所舍反若置疑也儻其 人為可疑也則斥而遠之使勿居其地為可親也則宜 知陛下無此意然事行則終累陛下耳自古置諫臣

次足四年全等 一

宋名臣奏議

惜之伏以陛下誠心好諫而樂聞有過故一言一動天 慮而審發政令一出天下無可得而議此乃所以為密 善能禁其勿言乎既不能使之不知又不能使之勿言 使不聞省中事此聲流傳恐非朝廷美事臣竊為陛下 則不若令早知而論之為有補也臣以謂廟堂之上精 早則為功易而所全者多矣且朝廷之事終能使諫臣 也今外人皆云非所以嚴制敕院也乃欲以限關諫官 不知乎禁之雖嚴不過緩一二日終當聞耳尚有所未

卷五十三

臣近於十一月二十五日有封事言两省牌截諫官廳 省指揮且令仍舊幸甚 聖他也伏望為國家愛惜大體以慰衆心持龍隔截两 下莫不歌美以為中理不可誤信此事使天下有疑於 成於朝廷何故今日改作以動論議伏望聖慈且 令依舊則國體所全者多美元祐元年十一 贴黄陛下即位踰年兩省中未當有漏泄之事害 上哲宗論隔截諫官直舍 月

Draw Line

宋名臣奏議

鮮肯以諫詩為事於是泰漢以來乃始有諫大夫率皆 帝明王莫不有諫諍之臣盖三代以前上自公卿次及 鮮于仇朱光庭列狀聞奏各未蒙施行臣竊以自古聖 列職清近日侍人主然歲月綿遠其聽事之所在有不 而腰言直論常達於人主之聽及世泉道微言出於口 出外隳壞法度乞行寢罷及十一月二十七日與諫官 而禍及其身者寝多故為人臣者若不以諫諍名官則 百執事下至百工獨美皆可諫諍故雖不以諫諍名官

金月日月五章

次定四車全書 一 知人主之關失也自五代亂離隋唐法度無復存者本 專在於論政事之過差補人主之關失故不在政事之 諫官既為侍從又列於兩省者何也蓋御史專在糾正 或改也大御史與諫官均任言責然御史臺在外而獨 初因之亦常屬中書省後乃分别兩省終於有唐未之 地則無以盡聞政事之過差不列侍從之班則無以盡 百官必在外然後百官趙赴廳事鞫獄為便諫官之職 可考者唯隋唐事近傳說甚明諫官於隋獨門下首唐 宋名臣奏議

一昔魏省少府楊阜欲上疏省官人名御府吏問後官人 兵夫兩省若有幾密之事更人可密者諫官豈不能密 數吏守舊令對曰禁密不得宣露阜怒杖吏一百數之 猶未預於入閣侍從之班今乃防諫官漏洩政事而欲 朝祖宗以來講復前代之法度十八九矣唯是两省之 耶無見今諫官雖在两省於政事實不預聞況幾密哉 拇截顾事出外使不得在两省亦典於設諫官之本意 闕典至神宗而後復然諫官雖已列於兩省政事之地 长五 廷有疑諫官之心有厭諫官之迹非所以廣聖德於天 之為密而過疑諫官以為漏洩三不可也使天下知朝 一先帝孜孜講復隋唐數百年法度既合於古又宜於今乃 也迫逐天子之諫官以廣吏舍二不可也深信胥吏與 帝即臣常以皇夔稷契期執政宣於此而不逮楊阜耶且 世以為美談臣常謂陛下聖徳比堯舜豈於此而不逮明 日國家不與九御為密而與此等為密乎明帝聞愈憚阜後 一旦無故而壞之一不可也中書所謂制敕院者吏舍

Sent like

宋召丘奏議

Ŧ

論失當陛下罪之執政大臣惡之或一二日而罷或二 竊為陛下惜之臣愚暗不才陛下過聽握為諫官若議 謂終無其人也至於左右史亦陛下侍從之臣安可使 又使三省執政大臣皆受迫逐諫官之名為後世笑臣 屏置一隅穴垣牆而出入事體顛倒增長吏氣五不可 金少四州五十 也憎諫官者雖取快一時而五不可長之患歸於朝廷 中書吏人據其廳事奪其正門而常侍諫官左右史乃 下四不可也散騎常侍下執政一等爾今偶關員不可

2:10 int 2:40 1 或賜之斧鉞之誅唯聖慈裁擇 於心哉故不避冒瀆聖聽而喋喋不已陛下或采其言 廢壞而緘默不言則不唯有負陛下言責亦豈不自愧 三月而點皆不可知也豈謂諫官可以久為而兩省可 也若既爱得罪於陛下又慮見惡於大臣坐視法度之 以安處哉蓋欲為朝廷長久之計而已非臣謀身之計 播出外者故執政大臣有制敕院之議遂欲粹截 貼黃臣竊聞今來辉截本因中書差除有豫先傳 宋召臣奏説 千

金牙巴尼石量 臣自有漏洩給舍何縁得預外人何緣得聞既給 外人無不知者矣雖知之自已是朝廷宣布之事 只是首尾一日內之事次日到尚書省下吏部則 舍人方知之及文字到門下省給事中方知之此 諫官廳出外大凡差除既得聖古之後須有詞 舍與外人皆未得預聞即諫官何緣得知唯張操 知乃其宜也有何所害唯是未得古己前外人 知即於政體有害然未得古己前若非執政大 頭

人己口印心的 重望之人但無若張琛收私恩者即何慮差除之 省於諫官何所重輕但於朝廷法度有害耳臣區 官而使之不得在两省也諫官在两省與不在兩 漏洩耶不當歸谷於制敕院亦不當緣此限隔諫 有旬日半月以前先已傳播後果如其所傳者也 今執政大臣皆先朝者舊及陛下所自選擇全才 已漏洩於其所親自以謂恩出於我而已故差除 在中書日務收恩凡差除纔經商量而未奏即多 宋召臣奏議 一

蔽之患除則忠言日聞忠言日聞則變止於未然禍消 金りでんんご 商之亡積累然也何則謇諤之言達則壅蔽之患除壅 臣聞古人有言曰武王諤諤而昌禁紂默默而亡夫以 一士之謇諤豈足致成周之昌一人之循點安能速夏 區所惜者朝廷法度而已唯聖慈詳酌六格 前降指揮不行時為右司諫尋站 上哲宗論不當於耳目之官置黨附之疑 卷五 孫 升 月元上年

帝王萬世之業而趙髙咫尺以鹿名馬則四海九州之 |壅蔽之傷國其患如此是以秦之盛强金城千里子孫 忠言不聞則變生於不測禍至於已然詩曰雖無老成 循點之風長則壅敝之患成壅蔽之患成則忠言不聞 以民窮而主不恤下怨而上不知俗已亂而政不修此 以亂為治以危為安以白為黑以賢為愚固無足怪是 於未兆詩曰濟濟多士文王以寧則其昌也不亦宜乎 八尚有典刑曾是莫聽大命已傾則其亡也不亦宜子

火芝四草全

宋名臣奏議

偉之才俱收並用無有棄遺近世得人之盛未有如今 首開言路登用正人天下所謂忠信端良之士豪傑俊 在外而小人常患乎居内是以自古治世少而亂世多 壅蔽之極而秦之所以亡也夫世之治亂係乎君子小 金少巴匠人工 在廷濟濟有成周之風此首開言路之效也臣愚不肖 日者也君子日進而小人日退忠正日長而邪應日消 也然則朝廷之有君子可不贵哉恭惟二聖臨御以來 人消長內外而已天下君子寡而小人衆君子常患子 卷五十三


默不言太皇太后陛下蔗聽庶政一日萬幾之微四海 遭遇明時獲在言職當蒙賜對親承徳音使盡言無間 理而陛下乃於耳目之臣論議之際置黨附之疑開小 目杜漸防微況未能皆至公而無私處事無一不當於 數人者皆至公而無私處事無一不當於理猶廣達耳 雖有過差聖慈為之主張臣佩服訓解以謂自古聖帝 明王欲治求言之意不過如此而已伏惟皇帝陛下恭 九州之遠深居房隨與共事者元老執政大臣爾令此

欠之日年上午 一

宋名臣奏議

十四

多分四人人言 子無使循默之風作壅蔽之患生則天下幸甚 臣竊恐非朝廷之福也臣不勝大懼願陛下深思往古 掠美之言入則雖聖聽不能無惑聽惡則其弊必至於 之明戒無替前日之訓詞除黨附之疑心待端良之君 厭言言厭則循點之風作壅蔽之患生忠言不復聞矣 不安其職矣言者不安其職則朋黨比周之說勝賣直 人之隙疑問 貼黃御史中丞傅堯俞歷事四朝白首一節端方 開護巧必作則君子不可勝誅而言者



金分四年在言 宋名臣奏議卷五十三 卷五十三

欽定四庫全書明日奏議卷五十四

詳校官侍講臣王熊緒

編修臣裁謹覆勘

校對官學正臣吳

垣

勝録監生 臣 監禁

總校官進士臣終

琪

大三日月という 宋名臣奏議 民罷言職 监察御史張舜民因論邊 罷言職差權判登聞鼓院 趙汝愚 編

言事所謂言之者無罪而聞之者足以戒也今舜民 願廷遣權 聖德下判羣疑臣不勝大幸大 言不當便奪官改差遣於舜民何損而無益陛下亦 金気に上る言 勿未使歸 以朝廷置御史蓋處下情壅塞開廣聰明故許 遣宜 文臣緣據朝氏 入加 然巴 臣爵 强人 有命 臣 白)速賜追還以協易不遠復之義下 三使欲近爭秉省屬優差權常 樞羌假封傳死 ĸ 五 奉册聞後 世使多乾 願 者劉端順 焘心 為奉草專是元 是世順橫 民騺 舜祐 謂宜過等存滋 民二 文即舉及亡甚言年 且所未去夏四 兵起賜可年 人月 風 居金知雖政上 開 帛朝數亂先 非

一此美艺 獎之爾夫人 次定の重人等 而所以畏之者非衣冠顔狀之有異蓋人主信任而崇 臣近界論奏罷張舜民監察御史不當未衆施行竊以 言事之官人所憎畏在權重者尤甚何則持權既重則 《莫敢違忤獨言事者伺察而彈劾之其憎之也固宜 管故舜民有是责堯一奉世遂差充夏國封 上哲宗論張舜民罷言職條第 臣既辱知遇又行其言故輕級冕捐驅 宋名臣奏議 俞時為御史中丞前後凡九奏册使勘會差奉世即非文彦博 傅堯俞

彦博之重以激怒陛下而行其私念者此陛下不可 之言可行而不可怒也今詔旨甚峻極駭物聽必有借 以勸忠義之節哉臣前日奏事延和親奉徳音謂舜民 加意而念之自古諫官御史之患在敢攻人主之短不 憚况直為大臣而罷無之臣恐而今而後有不忠於陛 為國家正紀綱以伸萬分之報若少加推抑則人亦何 敢忤權臣之意若舜民者宜被擢賞而及紫廢點豈所 下而事權臣者矣不但偷合取容而已也陛下豈可不

分りにし

大臣日本人 臣證按舜民疏中引文彦博照管劉奉世之語非出自 **岩聞外議心知其非而不告陛下得為忠乎況外人之** 誤乃是收采聚論聞之朝廷此蓋言事常體復有何罪 言而詳其區區之心特奮唇斷早期指揮內形上年 而還之是陛下待老臣之禮備矣於彦博何傷彦博四 朝宰相冝有體國之誠豈敢以此望陛下哉願勿輕臣 察陛下欲慰安老臣放罷舜民言職今採公議不得戶 上哲宗論張舜民罷言職 宋名臣奏議 王嚴叟

他日大臣有大惡陛下欲聞亦不得聞矣此非社稷之 之而已遂加之罪臣恐而今而後居言職者以言為諱 聖人擇馬別舜民非在言皆有理行與不行在陛下擇 是則有益於聰明果非則何傷於彦博書曰在夫之言 彦博照管亦不足恠舜民據所聞而言乞朝廷裁察别 有何意詩曰言之者無罪聞之者足以戒正謂此也果 冊夏國旣屬重事外人不知出於執政同奏但傅以為 亦有所以縁奉世是彦博門下之人待遇最厚今封

鱼为口压人量

五十四

幸甚 士得盡其心以事陛下而聚庶之情不壅於上聞不勝 天下之觀望也伏望特興聖意還舜民言職使忠臣義 事於舜民殊無所損所惜者朝廷之事體陛下之舉動 民以一言獲罪臣疑非陛下本意必有誤聖聽者矣此 國家置御史正欲警察權强雖有過論亦當優容今舜 貼黃言事官因言權臣而責之是為權臣報怨陛

福也今朝政闕失猶許盡言豈有大臣不受一言之觸

钦定四庫全書 人

宋名臣奏議

四

遇聖君養其才尤為難也恭惟陛下自臨御以來以堯 也歷古而來青史之上直臣無幾不獨天生其才難而 臣竊以正直之臣以遭時遇主為威事蓋敢言之氣雖 天與有素非聖君養之厚容之深則敢言之氣未易伸 主威之時而反欲沮塞言路甚非陛下之利也玩 前後凡八奏此其第一奏也二年四月上時為侍御史岩 下豈可不思方兩宮聽政簾下正宜抑强臣以伸 上哲宗論張舜民罷言職 叟 朱光庭

奉世特罷言職臣以謂御史之職自許風聞言事使 不行而已宣可速罷其職也今陛下從而罷之豈不 舜民之言盡中義理陛下固當行之設若未當止于 臣稿見吏部國報臺官張舜民為言文彦博照管劉 之效也唯在久而不息則堯舜巍巍成功不難致矣 舜之徳養直臣之氣以尭舜之量容直臣之言故去 天下之邪如拉朽除天下之弊如反掌千載以來一 而已方今內外清明百度脩舉人民义安此已試

欠い可見から 一

宋名臣奏議

事官之名臣為陛下惜之伏望聖慈開天地之量容養 一時御以來天下之人唯知從諫如不及聖德冠古令若 因舜民一言不合大臣遠使罷職致陛下今日有逐言 館職陛下權真御史士論皆以謂得人令視職緩兩月 民接跡頗熟稔聞其有正直之節司馬光賢之薦充 塞朝廷然後紀綱正法度立姦邪無間而入臣與舜 沮 敢言之氣哉竊以古今之治天下唯使忠勁之氣充 正直之節未少伸一言不合大臣已聞罷職自陛下

金好四個分書

卷五十四

罰失權斷之公所可愛者君德所可惜者君體也决知 其材臣愚不勝倦惨之忠流祐二年四月上時為左司 此事不出聖意臣敢復論之國家所以尊安者以法度 令未蒙指揮臣竊以為始拒直言損納諫之美下移威 臣近論奏不宜以大臣之故輒罷御史乞還其言職至 正直之臣以增敢言之氣特降聖詔還舜民舊職以盡 也 奏 上哲宗論張舜民罷言職 꾂 煮

欠正り声という

宋名臣奏哉

嚴不可犯之勢下有報義忘私之臣安得假天威屈正 言之公議便一夫不快之私心非大公至正之法度也 非尊君甲臣之紀綱也況兩宮臨御之時必使上有尊 之公議也大臣不快御史者一夫之私心也罪天下敢 有闕失猶且直筆正論至於犯顏逆耳無所回忌況臣 修而紀綱振也御史者守法度持紀綱之官也人主或 大臣雖重人臣也御史雖微法官也徇大臣而廢法官 下過惡安得畏避而不言哉令御史敢言大臣者天下

金岁口尼石量

卷五十

清議伸則正直之道行聰明之助多清議屈則姦邪之 論以中傷議已者乎自古全治之世必用天下清議故 萬世之法也夫煮前後凡十奏此其第二奏也萬世之法也元祐二年四月上時為左隸議大 以正權綱然後慰藉大臣優加恩禮尊朝廷而强主威 大臣者亦已至矣大臣之事陛下者未有以副人望也 計得欺罔之患作今日清議喧然不平皆謂陛下之優 望聖慈以保君德為難以全國體為重即日召還御史 清議之罪大臣者日益以深則恐非所以安大臣也伏

大己马草人

宋名臣泰議

|舜民志在盡忠雖一言失當而無可罷之罪清議沸騰 | 近人口人 臣連上封奏乞復張舜民言職尚未蒙指揮施行臣以 臣讀汲照傳每稿數息其為人養直好諫遇事輕發如 以為過舉義不敢安理當極論惟陛下少賜来納幸甚 上哲宗論張舜民罷言職 王嚴叟

叛以照在朝為之寝謀直臣之於國家敢姦應消祸亂

常面觸之故不獨漢庭之臣知所畏憚至淮南王欲謀

公孫弘張湯董懷詐飾智以阿人主他人所不敢言點

之謗臣竊恨之伏望聖慈檢會臣等前章早賜付外施 知而不言則為負德爾舜民得敢言之名朝廷被罪言 區區之東實在於此今日之論非私於舜民也為陛下 臣以言為職言而見用與言而得罪皆所以報陛下唯 路重則朝廷尊風憲陵遲國體隨弱皆必然之理也陛 其益如此故天下之愛其君者莫不願得而用之愚臣 下於此幸加反思非好臣之説勝也好人主之道勝也 敢言之臣也非争一屬官也為陛下惜言路也言

大臣り事人生

宋名臣奏議

行使怨歸言路而美在朝廷臣不勝大願 史以言為職却以一言微侵大臣便行罷斥數日 也然而事順理則静逆理則争必然之勢也今御 理所以如此臣等雖欲自静不可得也須至交章 以來淌廷之臣喧然不平唯説此事蓋緣事不順 贴黄陛下之意常欲朝廷清静人無問言甚威德 下幸甚五月上 煩瀆聖聽伏望陛下深思所以順事理息人言天

金がりののとこう

卷五十四

欲賜一 謂朝政闕失大臣私邪百姓疾苦事無大小一一但言 臣為敵怨仇不易當每德音丁寧既慰藉之又嘉賞之 臣累上章言張舜民罷職非罪乞令還臺未蒙来納施 必言無所回隱然古今之公患患在執政大臣多不便 夙夜憂懼不知所處陛下開言路之初言事官多與權 行此事所繫不在一張舜民而在人主在國家臣所以 一主張言事之臣恃陛下照鑒如此故敢遇事 上哲宗論張舜民罷言職無縣 王巖叟

大日日華人生

宋名臣奏張

事為事矣前日御史中及黃履殿中侍御史劉次莊陰 金グロ、たノコー 必便得其人令又罪而斥之臣恐忠義知難而退藏传 忘其家而遺其身以取權臣之怒哉陛下雖加獎激未 忠言不用而權臣得以行其志所以人之言曰寧觸 之而陰為巧説以害其忠必使主信之而不覺終至於 奸不忘此人情不得不畏也茍非守節死義之士誰能 主怒莫忤權臣意益人主無心雖怒必解權臣私意 邪飛間而進取陰附大臣為自安之計不復以陛下之 卷 五十 멛

之言以動聖心而擀舜民以快其私忽者陛下不可 御史臣恐執政大臣有念舜民攻其所諱而增飾老臣 彦博照管奉世之言為毀傷彦博亦未必須欲朝廷逐 非臣妄言臣伏覩陛下初降出舜民論封册疏必不以 **總陛下因論邊事偶有一言旁及大臣又無所傷處以** 大臣不說而罷之是附人主不若附權臣也事在耳目 敗使確且在位復與次莊進用蓋不可量令日舜民忠 附旅確為姦方確用事陛下何由得知確去而其姦始

次定四車全書 又

宋名臣奏 議

復還之非陛下得已也老臣豈不亮陛下之心哉尚何 言職恐不能慰彦博意故兩難耳臣獨伏思陛下特屈 士大夫之所以為朝廷憂也臣度聖心豈不欲復舜民 聖意不喜則言路皆可搖而去矣此其姦謀陛下又不 察又非獨擠一張舜民也其意乃欲以盡傾言路也益 公議點御史以為老臣者亦足矣令以公議不可奪而 知舜民之罷臺諫必争封奏紛紜言詞情激必拂聖意 可不察也姦人以此感陛下一事既行後必有甚於此

ヨシレノニュ

五十

變而為美談破姦謀於欲肆激忠義於已銷社稷之福 一使受姑息之議則陛下所以待之者厚於點御史矣誠 所恨矣惟聖主留意丑忽 多矣非臣之利也臣傾盡肝膽以告陛下令日遂死無 君子之愛人也以德而不以姑息願陛下以德愛老臣勿 以為憾乎由此而言臣以謂陛下處之不兩難耳臣聞 貼黄舜民疏言廟堂欲茍免一時之責任又曰夏

大正り声心時

宗名臣奏議

金为口居石潭 愚矣願陛下憐而察之元祐元年 陛下盡心謀謨臣觀舜民此言於國則忠於身則 强弱之勢可謂都不知又曰執政大臣不能為 上哲宗 言世母非朝詔 今有豈一民視廷三 籽論 不事 所聽選省 論 蜂奏生且言無任樞 張舜民罷言職 尺難事如不感柳密 卷五 民原奏示柳等更宜詳悉之難於取信若復留言職恐誤視事乃只令解罪言職盖恐将來如建言 乞問罪夏國事或從且不當豈止言文房博主張劉泰感故自來章奏多所允從今經鄉等為 耳目之官正要别白显密院 名臺諫官赴都堂宣 新四 十 四 傅堯俞 視來其本張是曰

止使人不必如此過速此語甚明別無他意唯欲朝廷 今臣所奏請不是欲與師問罪亦非要終了不封祗乞 幸甚欲報至恩莫知死所聖諭謂且如建言乞問罪夏 盡忠而察臣等之心在於惜體則何以慰藉若此臣等 既罪之之實不見於文又罷之之名有傷於體臣等所 審謹而已伏望聖慈更加省鑒則舜民之過宜蒙恕矣 國事或從其言豈不為國生事臣等詳閱舜民章奏云 臣等仰認聖懷不勝感懼此非陛下亮舜民之志本在

次足り事を与

你名臣奏議

臣等所論張舜民罷職不當事衆宣論後又兩疏開 之臣事雖過計無惜采收語或小差亦皆包納使人人 降臣等前後章疏付三省公議早賜施行 敢展四體以事君傾腹心而報 汉 金罗巴丁 不得不言願陛下開達聰明以盡四方之聞見言責 ,堯俞等皆不受命退而列街绝比而記三省框客院召臺 職史 難同 别 一哲宗論張舜民罷言職 系第 舉官又同一監察御史 同梁康朱光 巷五十 四 國則臣等之願也伏乞 復上此 庭巖 叓 王 傅堯俞等 覿繳 麦都 孫還 月元 升較書 上祐 堂

楊瑪與御史大夫字傑謀劾舉之傑反為日知先諧罷 事有蒙蔽不知則已知則必行故端良得以盡其忠姦 請舉故事陛下考焉方開元之初明皇勵精於事是非 言職現廷奏曰糾彈之司若遭恐脅以成姦人之謀則 聽納施行臣等恐進說者咸謂御史無已罷復還之體 明而不可欺紀綱正而不可亂典刑無私而不以姑息 舜民本無罪由大臣造成乞賜既察復許還職尚未蒙 大いり見たころ 無所用其巧告在日知為京兆尹貪暴不法侍御史 宋名臣奏議

皇察之宜深改之宜速而遲遲如此此愚臣之所惑也 之臣守義以争且多於楊瑪又陛下聖哲之資十倍明 甚於日知御史養直敢言忠信獲罪有冤於李傑言責 史册一書流奚萬古今大臣以是為非誤陛下之聽有 得全而快姦言之終破明皇不各於改過而其益如此 能聽不矜日知之被逐而喜字傑之復用不髙風憲之 知為歙縣必當時天下不稱楊瑪之能言而服明皇之 御史臺固可廢矣上以其言切直令傑依舊視事貶日

金牙巴尼子是

之言以為不可則心罷臣等之職紀綱之地由臣等不 言而全風憲易若反掌矣臣等以堯舜望陛下非敢以 幾於用也伏望陛下觀開元之所以賢聖心略回破姦 明皇始勤終倦比於全德也陛下以為可則乞行臣等 言不得而行也陛下虚方寸之地與臣論理臣之言庶 事則臣以謂不可廢陛下以萬乗之奪與臣論勢臣之 朝廷之事耶若欲以順意則臣以謂不須置若欲其正 不知自古設諫官御史者欲以順朝廷之意耶欲以正

次 里車全事

宋名臣奏献

施行仍云權量重輕難惜一 若盡言而得罪韓維自言舜民之責是維於無前奏乞 事不敢不盡以告陛下臣之愚忠以謂有隱而偷榮不 臣前日家聖恩召赴都堂令執政宣諭張舜民罷職事 已具别章論奏臣有親聞於都堂與外議所傳相契之 <u>5</u> 振以為朝廷羞得衆誅極以塞至公臣等之幸也元林 上 月 上哲宗論张舜民罷言職 新進御史此維誤陛下之 傅堯俞

當自有道必使上下無損老臣可安乃善謀也令維之 不上負陛下之望下失士大夫之心哉朝廷慰安老臣 之有無未比憲司之與廢而維以御史為輕臣不知其 蔽言路則啟禍源不聞抑權臣而生後患也然則師垣 可也又范純仁語雖喋喋不切義理臣謂韓維所論豈 聰明隨紀綱之任是將亂國家之法制究觀歷代唯有 紀綱之任則不為輕矣令點耳目之官是将塞人主之 聽也若論張舜民則輕若論御史天子耳目之官朝廷

次ピリをという

_

宋名臣奏談

土

雅懷不盡以為痛恨爾執政之蔽唯欲人主不信言事 常惠執政大臣離間於中使明主之初心遂移忠臣之 也聖人之所以成聖人由改過不各爾各而不改恐德 臣使老臣而少知義其能安乎陛下意欲安之不知及 正士誰不欲盡忠於人主人主亦豈不欲聞盡忠之言 日益虧改而勿憚則美日益全惟陛下擇之自古端人 所以使之不安也幸陛下降意思之恐不若改之為便 推風憲壞紀綱動天下之心傷國家之體而欲以安老

金グロカる音

治亂之迹熟矣國家之事有臣力諍則善耶無人諍則 言之不已此陛下之所當察也陛下傳通書史觀古令 善耶臣以言為職言而不用亦何面目出入朝廷間哉 為禍福於臣臣何苦上違陛下之情下件權臣之意而 **願** 衆竄 熟以 謝無功 臣則得以行其私陛下不可不知也舜民一賤士不能 詰之言元無與師問罪之語而左右之臣便以移 貼黃按舜民本疏論册封夏國主事但有移文致

於定四車全書 一

宋名臣奏藏

民文字降出施行至令未聞部古臣聞忠義之士精費 臣前日與御史王嚴叟列銜中奏之檢會前後言張舜 足以動陛下之心而激怒聖意此權臣陷害忠良 常事安有興師之理至如雄州與北邊事無小大 亦朝夕文字相問何當有它虞益不言用兵則不 文為與師莊感陛下殊不言邊上移文往來自是 之深計也陛下信之正落其計矣五居上年 上哲宗論張舜民罷言職係第 傅堯俞

執政以舉變之心輔陛下如裴垍足矣令非徒憎惡言 孜孜獻納者前日進擬上固為疑休復大慙臣不敢望 休復三人者遷及過謝垍指獨責休復曰若異夫二人 政多思之唯拍獎勵使盡言初拾遺獨狐郁李正辭嚴 意也臣讀唐史見宰相裴垍傳云諫官言得失大抵執 有以感悟聖意臣編見近日執政憎厭言事之官往往 形於詞色令遂伺間而逐之不知若何而後可以厭其 白日誠洞金石臣雖無狀肺肝竭矣實其夫精誠上通

大巴口巨人

來名臣奏議

|議不平玷陛下至仁求言之明損國家大公馭下之制 **諫之名此得謂之忠乎且風聞言事舊矣既點舜民尚** 臣近屢論朝廷不當假借大臣罷斥御史命令失當公 其言又未知所守豈敢默然伏侯禮點元胡二年 風聞之事獨不行於大臣耶亦乞明降指揮臣既不得 事者既逐之又移過於陛下使陛下本無一事橫被拒 有言職不識自此以往凡百須勘當得實而後言耶或 上哲宗論張舜民罷言職任狀 纛

金月四月月十

宰相口即勉諭諫官勿更論列宰臣奉肯召兩省官宣 章矣伏望陛下勿以既下之命為難改勿以已宣之古 聽而至恩優容面命相臣布宣慈古臣等迫於公議願 諭俄而諫章再入宣宗謂宰臣曰諫官疏極懇切朕决 宣宗将幸華清宫已命治道兩省官拜章極諫宣宗謂 為難回唯强其剛明之德從諫如轉圖之易也臣聞唐 以至公之道上廣聖意下厭人望不敢奉詔而復再上 非所以全養忠勁之氣感勵敬順之心也陛下未即垂

欠ビ四軍を持一

综名臣奏議

之事臣董區區陳誠意皆激切當衆聖恩曲賜宣諭臣 中之政號為中興聲明輝映前代至令流為美談恭惟 尊欣納直諫真得人君之道矣故終獲忠賢之助而太 感悟遂報其行又令宰臣告以聽納之意是能自屈至 未能回聽既令宰相宣諭而諫臣進言不已宣宗幡然 主也行幸一時娛樂之事也諫臣猶且懇切進言之初 金万口尼人門 陛下之聰明遠過唐宗之德朝廷綱紀法度不比華清 不為遊華清之行矣卿宜說我此意宣宗唐室英明之

凝拏 叟朝 舜矣雖宣宗賢主何足為陛下道 神省察主張必行追還成命以解羣言逐使朝廷益見 清明之象天下剔致安静之理明德日躋可以並隆堯 為盡 來將 下喜忠納諫上法仁祖言事之臣得盡誠節更題留 知尊君耳臣為萬世之計不知畏附權强便不論 朝忠納激廷者諫怒 娏 之上 能 而保 承全,遂欲, 乞 稍 且便有 有 一行臺罪向罷諫言 臺 誚 罪 給與 包點則後言 優遷令 我右元 事乃 解 Đ 僕祐 慮 向以 既奏 多陛 不言 射二 後前 駮雕 吕年 公五 正於為是 愈不 不下 更避 能臨著月

欧定四库全香

宋名

臣奏議

知路州撰 |謂職在執政茍有所見自當與同列僉議進對顯奏公 臣伏自罷去言職待罪都省以來不復章疏論事益以 須至一言其效萬一十五日吕公著送下內降批首罷 論而行之不當私有密請恐非謂直道事上也必料陛 下亦已察臣之意在於如此而已令乃有不得已之事 上哲宗論羣罷臺諫是自塞絕言路 卷五十 四 劉 挚

者私憂過計恐彦博有所不樂致陛下為罷舜民舜民 奉世有才可用方出入彦博門下受其知遇而照管之 論文彦博止有照管劉奉世一言而已此一言小事也 少以近日張舜民事言者救解紛紛不已雖然仁恕包 **辣官浜燾等或移易或免點者共十數人臣竊料陛下** 乃大臣所宜則於彦博何傷無彦博自不以縣意而議 聖度廣大愛情數人之才黽勉而為此也臣觀舜民之 涵而又欲加彈壓故不行重責但罷其言路此足以見

大正日本人生了!

朱名臣奏議

之賢君明主唯以開廣耳目優養直臣為甚感之德故 廷又從而移罷臺諫則恐不止於三失而朝廷之失最 全言路而不能體聖明優禮故老之意又一失也会朝 者欲慰説大臣而罷御史又一失也言者之救舜民以 之罷亦小事無足道也而言事者若欲論之一再言足 處其大者也此臣所以夙夜傍徨深為陛下惜之也古 尚且不已誠有罪也夫舜民輕言以及元臣一失也議 矣何至議論鋒起相繼並作紊瀆天聽至煩宣召申論

金月口尼石三

卷五

臺諫言茍可采無不行者雖有失當一切包納故臣子 證其官守以盡事君之義爾一旦以小故推沮罷去之 結仇怨而取禍患不知其何所利也益恃陛下之主張 今日忠直之氣然上下姦邪摩牙切齒嫉惡臺諫亦戶 無戮辱之懼罔避權要舒心展誠知無不言所以養就 **父矣夫臺諫以區區小官上則觸龍鱗而犯忌諱下則** 曰主聖則臣直唯堯舜及三代之威王乃有其事而陛 下令優游行之自前歲以來聞善若飢渴從諫若轉園

大臣日奉之后 一

综名臣養議

Ī

情不遠相與為戒必然之理也深惟陛下恭默未言太 罷之則後來者不肯言大臣矣以一言彈給事中而罷 皆容之考於傳記不可勝數今夫以一言旁及大臣而 有所私徇涉於傾陷近於朋黨則不可不深責而痛治 通足以快憎怨之氣開私枉之門非朝廷福也若言者 循點不言矣以剛勁而點之則後來者柔和取容矣人 之則後來者不肯言近侍矣以多言而去之則後來者 之乃若出於公議則雖有强直垂忤之言古之聖人

金月口上人

寬此二人之責還其職任以救言路以扶持忠臣之氣 内梁盡孫升外議皆以為責之太重臣欲望聖慈詳酌 害陛下何由一一知也令成命已行臣不敢盡乞改正 之聽而乃杜絕言路是自蔽其耳目也言路一塞何事 皇太后陛下無耀行政之日正宜大開聰明以廣萬事 ノこのほんに 且天下之廣莫知其詳但見臺諫官連奉罷去凡與前 所以區區言之者非獨為數人益所惜者朝廷事體爾 不生天下之朋黨大吏之私邪百官之罪惡遠方之利 宋名臣奏議

臂而動矣後來所用未必皆得如此數人邪正既不可 主公道不敢雷同倡和尚有所見可以碑補若不盡言 立於朝受陛下異恩至深至厚夙夜思報唯有竭誠以 知言路風采一變豈不有损盛德之治臣天生愚直孤 日之事不同必疑謂朝廷厭倦言者則姦諛者張目攘 於陛下則將何告訴也因此得罪亦不敢解伏望赦其 狂愚特賜詳察開允 贴黄非名臺諫官至都堂宣諭聖肯既畢公著與

多戶四戶子言

卷五

最為勁直令乃得罪最重外議所以尤疑也 伏望聖慈再三回慮深思此事早賜裁處不誤陛 令雖已有成命命猶未下比至進告尚須一兩日 下若幸聽臣之言留纛升二人足以救萬一之失 事繁朝廷不敢過避形迹故盡其底裏以告于陛 貼黃臣非謂自言路進遂欲主張言路者益以此 臣等因而再三開說内蠹與升指陳事理其語氣 舉動玩品二年五月上 **宋名臣奏贤** Ē

志業未伸誇嫉横作罷職補外各已數月按堯俞等皆 多定匹库全書 忠直之臣守正不挠在職未外知無不言此固陛下素 陳州傅堯俞知齊州王嚴叟知潞州梁燾通判號州張 謂國家先務莫如得人近臣事君唯有進善臣伏見知 臣備位左右憂深責重雖夙夜盡瘁恐然無所補報竊 舜民知廣德軍賈易皆早蒙陛下識權分任言責不幸 一哲宗乞召用傳尭俞等以銷姦黨 卷五十四 劉

人之一身耳目手足肌膚爪髮闕一誠不可然而强四 支者处以骨為主故自古人君崇獎忠直謂之骨鯁之 之人則非獨令日難求也從前世以來不易得也譬如 怨不附朋黨一節自守可當大事肯為國家效死守法 多士盈庭於此數色固無之事至於公忠朴直不避仇 或長於政事或善於文學或言語侍從或行義師表令 漸亦忘之不避,僣越輛效一言夫人才不同所用亦異 所獎愛必未棄捐然臣私憂過計恐有補外漸久朝廷

大いりをといい

· 化名 巨 奏 議

丰田

事章疏客祭其意其間心出於至誠言出於忠信憂國 非孤寒則怨隙朋比之心公無忌憚陛下試取近來言 之物不敢犯者如直臣立朝則姦传有所畏憚也令堯 邪所快臣實痛惜無觀近日言路稍異於告雖章奏交 俞等皆有骨鯁大節公論所重邪黨所畏况當今陛下 臣傳曰山有猛獸黎藿為之不采言猛獸在山則山中 明辨忠邪汲汲進賢之日而反使數人流落外郡為姦)議論不少然而所推薦者非豪强則親舊所排擊者

金げりんとう

卷瓦卜

進於下布列朋黨造作誘議欲以傾陷善良動搖政令 |驗之真偽立見令聖明在上方修善政而羣小不快争 大吏不黨同列嫉邪指惡有如舜民盡及易者乎以此 强赤心事上略無私意有如嚴叟者乎守正堅確不憚 Kandin King 枉之志銷而治道成矣臣疎賤拙直天下無塵髮親賞 此之時唯且收聚人才使在朝廷若正直之路廣則邪 紛紛籍籍甚可懼也然上下相罔誰為陛下辨之者當 如飢渴謀議知大體有如堯俞者乎孤立不懼彈幼權 宋名臣奏議

賜省察特發唇斷召此數人忠正之臣入備任使以慰 宣宜自比聚人故當知無不為寧敢避罪臣願聖慈深 金河巴尼石雪 之助獨蒙二聖選拔致位於此思至厚矣則報效之心 公議以消朋黨幸甚 候因臣僚進擬而後召之即不若特降中旨付之 但以未測聖意所以未便奏陳臣故密獻此言若 貼黄吕公著等亦魯同議此數人皆與臣意無異 三省庶使恩命出於陛下十一月上 月上

省之員為朝廷美觀而已益授之以名者必求其實任 誠意盡愚臣平昔之所學惟陛下母憚煩而試聽之臣 之以職者必責其效故臣拜命之初未敢指陳政事而 臣近被聖恩權真諫列內惟譾薄處無以稱尋具辭免 首論治亂之本原人是之大體無有以副公朝圖任之 不蒙俞允竊伏思念陛下所以不次用臣者豈徒備二 |哲宗論優罷言事官 劉安世

次巴马事公島

聞書稱堯之德曰稽于衆舍已從人舜戒其臣曰予進

你名臣卷説

不通也然臣尚有疑者自去歲以後屢罷言事之官中 也令陛下居久安之時乘不拔之勢崇起教化脩舉法 唇智之君所以能大過於人者未有不以求諫為先務 汝心必求諸道有言逐于汝志必求諸非道傳說之復 金万匹及人門 虚已首開言路故人人自竭樂告善道而天下之情無 度粲然追迹於三代之隆者豈有他哉特以陛下至誠 于高宗曰惟木從絕則正后從諫則聖然則古之聰明 汝弼汝無面從退有後言伊尹之告太甲曰有言逆于

重政在大臣之際固宜開廣聰明留意採納而前日臺 來尤以臺諫為重雖所言者未必盡善所用者未必皆 於初年納諫之心漸怠於昔日臣切憂之恭惟祖宗以 **諫數人相繼罷去甚者至於不完其所論之是非不察** 邪之謀於未萌防政令之失於未兆也令陛下深居九 野然而借以彈擊之權養其敢言之氣者乃所以制姦 外臣民不知其詳往往竊議以謂陛下好賢之志稍異 其所争之當否陽倒以美遷陰奪其言責使忠正之臣


₹ (.) (2) TET 1.17(0)


宋名臣奏戡

|愤懑而不能發修潔之士愧赧而不敢受若果出於陛 意而已臣竊謂姦人用事之始任臺諫足以折其誅 非 則陛下宜察其用心不過欲排天下之公議以快其私 下之意耶則虧損聖德不可不戒若出於大臣之計耶 列諫垣敢要君以固位也實以上關宗廟社稷安危之 而乃 禍胎既成雖聖賢不能救其害視今日何如祖宗之 謂謹終如始者也臣之所以先獻此言者非為忝 聽大臣之所為嚴耳目之任而挫忠義之

動好四屆全書

钦定四庫全書 國之誠少賜留聽不勝幸甚元枯三年二月 惡使臣下不能窺伺間隙以售其私則忠言嘉謀將 此而進矣臣天賦愚直不識忌諱惟陛下察其愛君憂 動宸東若大世俗之人指以為嫌疑者臣固有所不避 也伏望萬幾之暇詳覧瞽言獎進端良容受直諫參之 公議持之以誠心所愛者必知其善所憎者必知其 下繁君子小人消長之漸是以反覆論列期有以感 不 宋名臣奏議 為右正 ナハ





一者皆指以為朋黨欲得人主深防嚴戒盡行貶逐自然 君子道消小人可以得志所以臣等不避違件縷縷開 陛下既用善人則匪人皆憂難進遂以善人之相稱舉 便以臣愚見朝廷本無朋黨只是善惡邪正各以類分 他意側聞聖訓以謂朋黨甚多宜早施行恐於鄉等不 來未當嚴責諫臣一旦行之恐傷仁化又慮來者或多 寬逐 寒失朝廷清静之體其心止於如此更無

|當亦須稍垂寬宥以彰朝廷容諫之美児陛下臨御以

金灰巨人

等皆是界朝舊人陛下留在左右已二三年輔羽皇献 文字臣未敢簽書更乞聖心熟慮 未嘗有關今日豈肯雷同罔上庇護黨人蓋其愛君之 心與臣無異唯在陛下深加採納所有先降貶謫王覿 足以副陛下簡求何面目處羣臣之右又况彦博公著 陳罄竭愚誠莫回天意臣若面從順古則苟容之臣何 遇陛下一新庶政從諫任賢夷夏歡呼古今無比 貼黄臣自先朝言事不合擯斥處外幾二十年遭

炎足四車全套

宋名臣奏議

為朋黨者自明臣雖一身斥遠若逐决朝廷大 疑則是猶有少補不辜簡拔則臣死之日猶生 古蓋是愛惜聖政思報大思螻螘之誠樣倦不已 聖知豈有容庇朋黨自損身名玷辱家聲取笑千 疏遠之中驟致於丞弼之位故臣夙宵盡瘁恐負 此皆聖心所悉非愚臣獨敢妄言而一旦拔臣於 之年矣 今若陛下决以臣言無取即乞謫臣補外則指

たこうしてい 篇前終仁退而上此疏時為同知當又與文府博劉摯召大防 范納 私意 不可以執政内批王觀論列 大王親疏宗愈自為御史中永 我 正 祖三年五月胡宗愈除尚書 且得一網打盡此事未遠東人猶知亦可以為朝廷深 補外所用之人類遭敗逐當時造誇之人皆於快相賀曰 得進者遂族造誇語指為朋黨先臣與韓琦富獨皆得 皇同時用為執政三人各舉所知引用忠良有匪人之不 貼黃臣面謝日已曾奏聞昔先臣與韓琦富弱崇 宋名臣奏議 水水流事 樞仁著 不 **密等言當** 建言多出古謙議大 院論 舰落 責諫 降議大

歎以謂古之理帝明王不過如此一二年來不唯朝往 者莫不虚心克已温解降色以受之天下之人歌詠頌 大關言路雖佛意逆耳該許狂妄常人之情所不能容 理有未安合具敷奏臣伏見陛下臨政以来開廣聰明 日三省同奉聖古差知潤州者臣承乏近侍職在訓辞 揮王覿言事不當與一外任合入差遣不得帶職十八 臣今月十八日吏房送到詞頭五月十五日奉内降指 金好四屆全書 上哲宗繳王覿外任詞 卷五十五 頭 曾 肇

進者以言罪人人將鉗口結舌望然去矣其肯以身腦 福而凱萬一之聽察哉故觀之一身出入內外不足以 含容未宜遽棄何則以言赏人猶有觀望畏縮而不敢 為陛下盡言而無隱也陛下未以其言為然猶當寬大 之氣始自今日故如覿者身在言責有所聞見不得不 至不以出位為嫌而以不能盡言為恥根起天下敢言 政事人情以至四方萬里幽深隱伏之利病莫不畢聞 **一者言路無壅故也是以在廷之臣人人勇於自効**

次に日東上台

宋名臣奏議

四

陛下亦将不得聞矣此可為寒心者也陛下臨政以來 臺諫二者相須不可闕一令親一言論及執政即去之 臣以覿為戒依違顧望莫肯正論執政大臣雖有罪惡 言猶或不聞其過令一言及之遂至逐去臣恐在廷之 在人主左右據利勢國柄人情之所難言者也導之使 是何異愛腹心而塗耳目豈不殆哉且執政大臣朝夕 臣不得不為陛下慮也陛下寄腹心於大臣寄耳目於 為重輕而陛下言路之通塞人情之伸屈在此一舉此

卷五十 五

增益陛下虚心納諫之明是一舉而數美從之也其可 人知朝廷不罪人言終始如一而執政大臣有所畏忌 難而以壅塞言路為懼以覿所論質之公議茍其言可 祖宗付託之重愛惜朝廷臺諫之體不以容納狂直為 取固當行之如無足採亦願陛下容之度外使天下之 以小官不二三年拔擢至此令以言獲罪猶補便郡於 覿何损臣所惜者於聖政不為無累爾伏望陛下深念 何獨至於覿一言之入遽不能容示天下以不廣也覿

大江日本人山山 一

宋名臣奏謀

敢修撰 金万里万人三 **綠職事胃進狂瞽惟陛下留神省察幸甚所有制辭未** 忽哉臣備位侍從首尾三年常恨不能補報萬一令朝 事猶且含容於貸更獲美邊聞者皆服陛下仁 更加省察府為中書舍人 寬厚有天地之量豈獨於覿而不能容伏望聖慈 貼黄臣伏見豐稷昨任諫官所論者陛下骨肉間 上哲宗乞終始從諫 一越

忠 編察外之事勢有可憂可疑者必欲陛下周知欲臣節 悍姦人易為衆蔽外之人情有可畏可恤者必欲陛下 **宸斷太皇太后陛下保佑聖主制政廉惟權臣易為强** 臣愚不肖蒙恩還以言職風夜思所以副聖知者不敢 君甲臣强公家弱私室正以皇帝陛下富於春秋未專 以為榮而獨以為懼臣前日建言正綱紀明法度以尊 一而人無欺罔欲居勢隆重而下皆敬畏此臣自誓

次を四車を書

報陛下之心雖萬死不可變也竊謂陛下復置臣於言

宋名臣奏議

敢言為難而以君上從諫之為難唐李終日小臣書思 人主不以受諫為難而以臣下敢言之為難人臣不以 能用臣之言則臣報陛下之心豈可怠於前日哉臣聞 為忠則今日之不敢言為負矣陛下既能知臣之忠必 前日之言為是則今日之不言為非矣臣前日之敢言 削其半其得上達者十無一二信乎敢言之難也如此 夜度将有上諫欲諫十事至時已除五六速其緘封又

路者处以臣前日之言為是处以臣前日之心為忠臣

敢言之為難是也然而有忠臣則不難矣人臣以主上 事不得不然也信乎聽諫之難也如此夫人主以臣下 獎勵勸導忠臣抱義不顧其身懷忠不避禍患茍有致 又曰聖主知直言有益於已正諫有神於時温顔容納 两宫之明竊不以敢言為難在陛下信而聽之也辨姦 從諫之為難亦是也然而遇明君則不難矣臣幸親逢 **君濟時之益不識觸忌冒諱之誅何哉顧食君之禄其**

人之妄而塞其讒誣折權臣之强而抑其排斥使多士

宋名臣奏議

火ビの事という

清心諦察而必行之至有切於聖德急於民隐者不敢 勝倦機盡節之至 時為左諫 議大夫 安寧此臣愛君謀國自誓之本志也唯陛下裁擇臣不 名有收攬權綱之明威朝廷等嚴而清静宗社長久而 猶豫以留清東後時之憂也致陛下有開納諍諫之美 令之事所可言者尚不為少臣方且次第上之願陛下 金月巴万人 以臣為法而進其忠勿使多士以臣為戒而挫其直當 上哲宗論楊畏除監察御史 劉安世等

大三日年七十二 廷責任之嚴敦尚名節得人之盛無愧前古厥後方令 竊惟聖訓皆有微音何則御史之任所以斜察百察茍 是以受韶者知明主滕倚之厚遊簡忠良被舉者體朝 非剛正無私不可濫居此職故先須擇舉主使之引類 宗故事天禧二年二月詔諫議大夫樂黃目知制語陳 两制資次舉官當時議者已謂無善惡皆得薦士故多 知微於常參官樂公清强敏材堪御史者各一人臣等 臣等近容論奏楊畏差除不當未蒙施行臣等伏觀祖 宋名臣奏議

路漸布私黨則政事闕失何由盡達天聰為大臣之計 提刑獨非监司乎前日以此拒人而今日躬自蹈之威 非其人然未當專出於執政也令兩制等初以名聞則 則安為陛下之慮則疎矣伏望聖慈鉴前代姦邪蒙蔽 福自任反覆如此舉官之詔遂成空文祖宗之法日益 又棄而不用乃以私意外召楊畏且畏見授永與軍路 **猥曰已係监司省即更令别舉後來所薦既已應格則 廢壞臣等竊為陛下惜之況二聖臨御仰成輔弼若言**

金グロルと言

左談 議大夫 得其言則去故祖宗朝凡任臺諫言而見聽則居職言 臣聞孟子有言有官守者不得其職則去有言责者不 回河不當言既不從而言者皆獲美遷今年復論鄧温 而不用則點罷理之处至前後悉然唯有去年臺諫論 之患循聖人開廣聰明之理罷畏新命以示至公五年 |哲宗論臺諫言事乞明辨是非 蘇 轍

大正日年八号

宋名臣奏銭

藏思憂不敢不勉若所言中理望陛下力賜主張行下 伯不可任翰林承肯言既不効而言者亦衆進職雖 金月口月月十二 臣下則被茍簡懷禄之非風俗漸成士節陵替載之史 損不細誠使朝廷偶有過舉聞善而改適足以增開納 臣迫於朝古黾勉就位而中外觀望不知曲直所在為 卅不為美事臣令侍罪執法才力疲輕何能發明然在 公令者不辨是非一加進擢朝廷則負諱過便私之毀 之光其或言者論事不當據法罷免亦足以示進退之

史中 臣聞書稱堯舜之德曰明四目達四聰葢人君居髙宅 忍包含シ 有不當亦乞明加流寬以懲妄言唯乞勿為隱 計使臣主俱受其誘不勝幸甚九站五年 上哲宗論執政自擇臺諫 蘇 轍 御五

次主四車全書 一人

當視朝上有於殉朝夕秦事下有臺諫更选進見內有

宋名臣奏議

以預知祸福之原臣不敢復論前代請陳本朝故事

深其勢易與臣下隔絕若不務廣耳目則不聞外事無

官二員諫官二員其問非執政私人特出聖意所用者 |受辭見入奏凡所以為上耳目者其衆如此然至於事 以來每事謹重羣臣得對於前者唯有執政及臺諫官 两省侍從諸司官長以事奏禀外有監司郡守走馬承 之外特有所聞者又獨有臺諫數人而已臣觀今日臺 而已然天下之是非可否既决於執政陛下欲於執政 又不過一二人孔子有言令吾於人也聽其言而觀世 有壅蔽猶或不免令自太皇太后陛下皇帝陛下垂簾

老五

危大計無由得達於前而朝廷之勢殆矣惟陛下留神 事欽等所言皆掩蔽鳳短專攻帝失由此直言不聞漢 背緊可見也漢成之世王鳳用事羣臣莫敢盡言唯劉 又聽執政得自選擇不公選正人而用之臣恐天下安 向王章力言其惡無顏避皆為鳳所不喜言卒不用或 以不競令陛下深處帷幄耳目至少唯有臺諫數人若 行陛下試取此五人言行之實而諦聽之則其邪正向 以死而鳳推薦其門人如杜欽谷永之流使上封論

欠巴口自己与

宋名臣奏献

其所主進不以禮主或非人雖孔子猶見疑於衆人必 聲迹跳遠一旦為人主所知任之為耳目非緣近臣論 省察無忽臣言則社稷之福也時為御史中丞 薦則必有章奏感悟人主如唐之馬周也且觀遠臣以 綸之擢用外廷不知所以被召因依夫未經試用之臣 臣切聞新除監察御史裝給辭免除命甚堅議者皆言 我只四周台書 上哲宗乞明降召用裴綸為御史因依 孫 Ŀ 升

次定四車全等 重哉伏望聖慈詳察明降召用裴綸因依付外不獨使 |待孟子以為之辨汎裴綸言行未足以信於天下而召 臣聞唐虞稽古建官惟百夏商官倍亦克用义然则先 綸有以自明立朝無愧亦所以示天下後世用人之心 綱之地以正色敢言不避權强為職其進也豈可不自 用未明宜乎編辭避而不敢當其命也御史居耳目紀 公也上時為侍御史 上哲宗乞六察官無言事 尔名臣奏議

幾益廣言路以稱朝廷明目達聽之意品聖三年七月 職自不相廢况元豐三年八年并紹聖令察官各無言 如日前運者則治察御史其職太簡臣備員臺屬適值 令專領察事今來按察之法外已就緒在京官司無敢 事伏望聖慈特賜詳酌令監察御史三員無掌論議庶 两院闕官無領六察未見廢闕然則人治兩案仰無言 以來員數不常非置六察官方推行之初事務繁劇故 王建官因革不常其來尚矣臣伏見言事御史自皇祐

金グレ

卷五十五

難以復在言職雖朝廷未加斥逐理當求去夫尚未去 事之言為欲有益於朝廷也臣伏聞殿中侍御史襲天 言翰林學士承古蔡京告計周種等語言事乙罷默京 於事無益忠臣之義但求有益而不顧取名臣令日先 而朝廷謂京無過不以夬之所言為信夬既不得其言 臣聞先甲三日易後甲三日難諫而不早足以取名而 史 上嶽宗乞留龔夬 陳 瓘

火巴日車とは

宋名臣奏議

將罷去則是兩朝言官前後六人無不為京而去也陛 以他罪被逐而京之所惡則無不去者令夬之言京又 升次逐鄒浩此五人者皆與蔡京所見不同雖其問或 逐言者初逐常安民次逐孫諤次逐董敦逸次逐陳次 其人所以重朝廷之耳目也自紹聖以來七年之間五 宗以來獎勵言官屈意聽納養其勁氣不使小挫非重 朝廷耳目之所寄也耳目不通則有衆敵之患故自祖 而臣已言及此其所以為先事之言也益言事之官乃

金贝区五子

大きりほんいち 陛下於赦幸甚 曲賜允從庶使敢言之士意向朝廷衆蔽之風自此衰 言之有益也臣願陛下察夫所言忠於為國特回齊聽 忽成紛紛其於初服豈能無累若待臨事而諫孰若先 息伏望陛下上禀慈麗議其可否小臣在妄冒犯天威 事又去言官臣恐後之言者人人不已可惜安静之勢 被内外安静人情惟悦此千載之一時也令若緣此 以聖他嗣位上法祖宗内禀慈訓數月之問他澤廣 十四

時章子厚蔡卞用事諫官御史盡出子厚卞引用不唯 臣令月初五日有奏狀言張庭堅送吏部事竊以紹聖 無所建明率皆附會子厚卞欺誣朝廷自陛下即位想 罪雖於公議無愧而私議未安臣之自刻求去固 目之官耳伏望聖慈特賜於察九時為左正言 有日矣令所言者非自為也非為夫也為朝廷耳 貼黃臣近曾西奏為蔡下是臣之舉主而臣言其 上徽宗論張庭堅送吏部 任伯雨

金罗里尼石量

意降出庭里章疏考其所言若欺問朋附則送吏部為 令又送吏部中外疑惑不知所以臣伏願陛下斷自聖 其罪大庭堅近以言事不當除京東運判既而改汝州 罷之必正其名臣欲乞令後臺諫以言事罷去者皆坐 無使言路自今以往以庭堅為戒 其所言以正其罪益妄冒不才者其罪小欺誣朋附者 べこういき ノンド 尚輕若止妄冒則送吏部為太重正名定罪庶足勸戒 宋名臣奏議 五五

攬權綱自擇臺諫然臣謂臺諫官始用之既重其選

我好四月在書 省何陛下之意遂再三取肯重行用以恐脅臺諫 聖意則庭堅不敢逃其罪若非出自聖意止是三 贴黄張庭堅送吏部若陛下見其欺誣朋附出自 不獨 庭堅 則此事不可不察言官畏三省非國之福也元符 堅二謝月 竟坐何事一心之了了 | 徽宗論除授臺諫三省不得進擬 表上 云時 疏不外宣命從中出又 云為左正言吏部尋以庭堅 罪所 ib 判陳 白

我近者監察御史闕二員命翰林學士御史中永共薦 出宰執之意耶若出陛下之意則可然未應祖宗故事 六人令聞所召者一人而已未審出於陛下之意耶復 塞明主雖欲明日達聰虚心聽納嘉誤嘉猷何緣而至 以司察大臣過失若出大臣則朋附之人至忠讓之路 臣竊以祖宗以來臺諫闕員韶近臣薦二員召對便殿 去取選任一出上意報政大臣不得干預益臺諫官所

欠いりまれるはい

若出宰執進擬則權歸大臣朝廷關失誰復擬議此源

康名臣奏説

議為大夫諫 **兹今後近臣奉詔薦舉臺諫官並須引對親閱人材去** 既開臣恐異日臺諫皆出大臣之門而陛下孤立矣書 臣聞天下所恃以安者朝廷之紀綱紀綱所恃以立者 曰惟辟作福維辟作威傳曰慶賞刑威曰君願陛下念 臺諫之風采若臺諫有所拘忌受制於人而風采不 金分四万万百量 獨出聖斷庶不廢祖宗故事臺諫得人建中晴國 一級宗乞重惜憲臺之權 陳堯臣

卷五十五

大きの事から 楊瑪曰糾彈之司若遭恐脅以成姦人之謀御史臺固 豪不畏於强樂雖其人未必皆賢其言未必皆當許以 徒然哉凡欲以破姦雄之膽救陵夷之患也唐文宗曰 風聞而貸其不實之愆納以虛懷而開其敢言之路豈 之事權不繫於官長不拘於大臣養其志氣不挫於權 御史臺朝廷綱紀臺綱正則朝廷正朝廷正則天下理 可廢矣臣惟方今天下平治固無姦臣之足慮然問有 則朝廷莫之糾彈容姦於國而紀綱以壞是故人君惜 综名匠奏鎂

聞其有言則廣行營救以及其罪不擠以令事則必中 莫敢誰何蔑視風憲之官不翅奴僕之役若非處以私 以離問其君臣為辭或以疎隔其恩戚為語指切直者 害以他非不謂在昔與我為讎則曰於今與誰為當或 為沽名謂納忠者為訕上巧言令色千計百端是致發 擅權挾寵之徒肆為敗俗亂常之惡孝不足以移忠功 不足以掩過內恃强援與知以脱常刑重憲恬然自得 終必視為仇怨然慮其攻已則先設限防以拒其來

金月四月百十

卷五十 五

轧健减罷裁抑一遵熙豐之擔繼又廢點拱點選任莹 而霜臺坐視不發天下恨之逮至陛下獨奮離明斷以 者官吏猥冗財费浮濫紹述失其本意紀綱浸以隳弛 盡臺臣雖備位名存實亡臣愚以謂恐非朝廷之福乃 意欲彈者改遷抗華総及者貶寫前者沉滞流落而不 臣中外方且鼓舞然未聞有所建明或即旋行遷易天 聊其生後者惴恐憂思而深以為戒忠義風采消委始 下疑之夫彈劾之職紀綱所繁當急先其大者譬如捕

欠こう 巨くこう

宋名臣奏哉

膽之士化為結舌鉗口之流臣恐自是積習成風人 籍者特未定也故臺臣屢遭恐脅則姦回無所畏憚就 怒而滋其萌是豈除惡務本之意乎臣恐天下紛紛籍 者是猶捨渠門而攻疲羸留根本而搞枝葉適以激其 盗先其渠題去草急在根本令使置其大者而言其小 畏避遂致姦臣欺蔽君上紀綱既奈何所不為且姦 且已雖因時薄有所彈終不敢直肆其說至使明目張 有特然奮勵衆必為之寒心知其必蹈禍機而謂不若

金好四月全書

大三日耳八十 之人或沮而復起國是動搖人心惶感其根原有在 或朝點而暮陞蠹國害民之事或遏而復熾欺公罔上 誤聞聽至有逆已行之命或方頒而旋改沮必罰之威 姦回植黨牢不可破或左右先容或前後救援不能無 家者平時宜有直言敢諫之士則悠久庶無姦謀指鹿 始兆在斜劾而非難其惡已成雖鉄鉞而何及故治國 風雷所以樂直錯枉防微杜漸者固不患不至所患者 之臣令陛下仁天廣覆智燭旁臨賞罰如寒暑號令如 宋名臣奏銭 九

安禁何事而取怨於權臣犯顔於人主邪聽言之道當 有不得已人孰不欲保其父母妻子孰不願享其富贵 强援與知之間而已夫擊搏之任豈人樂為公議所在 罷而無赦止其防備之私絕其救援之弊明出記令應 茍唯事干國體則亦何黨何讎奚事廣行營救臣願陛 以事觀茍惟在已無愆則於人言何恤安用預設隄防 **憲臺之權優養直士之氣使姦回必劾而無遗罪戾必** 深惟此理上體祖宗之成憲下為萬世之來規重惜

金月口屋台灣

+

次との重心与 聖著在甲令至崇寧問大臣營私欲其便已遂變祖宗 臣竊以御史耳目之官以言為職故監察御史自唐以 及吏 至本朝皆論政事擊官邪正與殿中侍御史同元豐紹 無所緣綱紀一正天下幸甚宣和二年十月上時為御 夫干請私謁拯<u>姦</u>護惡巧為粉飾者寡之重辟底使姦 今後凡臺臣有所論列職非三省而報出位謀政與 上欽宗に监察御史言事 综名臣奏談 胡舜陟

四方士論驚駭陛下新即大位開懷聽納之初宜優容 臣伏都前諫議大夫唐重等五人與郡日下出門流傳 **制時康元年二月上時為** 齊吉下本臺令增入監察御史言事之文以復祖宗之 名存實必害治尤甚令多事之時以開言路為急伏望 成憲使人居無兼聽之明而南臺御史始有不言事者 上飲宗論貶逐臺諫乙不施行日下出門指揮

金グロアカイニー

卷五

大でりゅんはか 人之議已始有此行遣後來蔡京王黼用事欲行已私 未有日下出門者熈寧中王安石為宰相急於行法惡 之倉皇若此哉臣伏見祖宗朝斥逐言官雖遠在嶺外 棣和皆天下膏腴處正使自擇不過此耳何至迫逐使 之因宜其紛然有以議陛下也重等既各與便郡如同 覿字擢等攻擊宰執緣此被逐益朝廷未當降出得罪 日下出門議者逐致紛然造飾語言稱師願論十事孫 直言禮遇臣下令重等備員臺諫不知所論何事既令 你名臣奏哉

以為真君也人君亦何為哉相與論治道者臺諫也 目司視視聽不廢運用股肱無為於中而治者此心所 臣聞君循心也宰執猶之股肱臺諫猶之耳目耳可聽 伏望特降盾古將日下出門指揮更不施行庶令般挈 循用此例緣此言路塞絕豈可施於今日艱難之時哉 家屬收拾行李以示陛下優納之意 時成五日 該 上欽宗乞內中置籍録臺諫章疏 程 瑀

金分口近台電

卷五十五

此使是非利害灼然曾次則真疊不分朱紫混淆勞精 是與非辨利與害此以一應萬之要也茍不能致知乎 |察馬果害也過在宰執不在臺諫若以利為害則臺諫 是為非則宰執何所逃罪哉宰執曰利臺諫曰害人君 疲神於未流天下之治不可與矣益人非堯舜不能舉 何所逃罪哉萬幾至繁吾之所以用聰明者特在於審 幸執回非人君察馬果非也過在臺諫不在宰執若以 與行治道者宰執也天下之事不過利與害臺諫曰是

火とり事を書

综名臣奏談

過舉則臺隸何所復言及其有言必與朝廷違異乃所 常恐因喜怒妄行賞罰故願公等極諫公等亦宜受人 一古諸葛亮當主幻國新之際獨總朝政顧何所賴於屋 人君能以此待宰執天下之治不難圖矣朝廷之上事無 諫不可以已之所欲惡人違之使宰執能以此待臺諫 觀之治庶幾成康一時輔拂亦少貶矣當謂執政曰朕 事皆善罔計其善而悅人讚已是謂求論諛而成暗昧 旦發教乃諄諄力求轉相違覆以補曠敗太宗貞

たいりませんはり |宰執以為奉行臺諫文書是不知此乃諸臣深達治道 是之從而不嫌議不出已亦不難於改過從善當時議 時諸臣深達治體朝廷之上既已務和而不務同至於 臺諫有所論列不以人微而易之不以意異而盐之唯 以相成也唯朝廷不以異已為嫌而事求其當則天下 則有歐陽脩范仲淹之徒由令視之其人何如哉然當 幸甚本朝之威無踰仁宗稽考治迹益周成王漢文帝 不足進馬年臣則前有王曾李迪後有韓琦富弱執政 宋名臣奏銭

祖宗之治矣然以臣觀陛下益喜受人言而未可謂之 弗補惡政弊事派毒四方陛下既親見之臨御以來疏 速讚直之士布在臺諫虚已聽納下詔敦諭是誠有意 鷹犬搏噬正士創置官司冗濫蠶食而諫省列位寝闕 然當時人材承累朝養育而砥礪名節之風不衰論議 用心過人者泊王安石用事已來專以推折臺諫為事 石而殘很過之議已者置之死地臺臣引用私黨籍為 風生以斥逐為紫未為安石下也至蔡京用事師法安

金分口足人言

卷五十

其樂聞已過有諫必聽始也孫伏伽之徒賞之使言外 腹心外如點食其婁敬之徒一言合理信用不疑此所 諫必深思而熟計之當理則行不俟旋踵若受而不能 以成帝業太宗脅父殺凡以就大事其天資何如哉唯 未當畫一謀出一計唯其善用羣策非獨張良陳平之 漢高祖唐太宗益高祖智畧初無踰人奮布衣取天下 用與不受同實無益也三代以降能用言從該者無如 善用言益喜納人諫而未可謂之能從諫何者用言從

欠巴马車人上

宋名臣奏説

數月已有擠陷之事如余應求陳公輔者蹤跡孤外志 為心故臺諫章疏或沮格而不行或稽留而不下未閱 事而有累於明以柔遜為事而有累於斷明與斷兩未 見馬而大臣旅蔡京餘風不能以韓琦富獨諸人之心 二君為法可矣陛下天性元良憂勤庶事聽言納諫宜 此所以躬平禍亂而坐致太平人主誠欲聽言納諫以 之得魏徴往往諭意於言辭顏色之表不待力争强辯 無艱者顧尚有愧於二君臣知其由矣陛下以沉晦為

金厂口五人

卷五十五

蒙陛下延問開納冠過之後握為臺諫士大夫方慶言 諭諫官御史各令舉職仍令中書籍記其言事行與不 有傷害之者矣陛下將誰與為治乎臣開真宗時常詔 矣夫任耳目以廣視聽將以運用股肱令也壅蔽耳目 擠之是何異蔡京所為哉覆轍在前不憚蹈之亦可哀 路得人而應求等亦感激奮勵知無不言正道少伸邪 操凛然金冠在郊京師震恐之時抗章乙對慷慨論事 人側目一旦論事稍涉嫌疑陛下未能洞察執政因而

大巴の巨八三

宋名臣奏説

聖敬之患伏空陛下特賜舉行仍內中創置臺諫章疏 留聖心天下幸甚片時為右正 行歲終具養益非特稽所言當否用以知其人亦以防 文籍隨所上録之聽政之暇雅容觀鑿不唯碑補治道 臣備員諫省賜對之初已想怨為陛下言之伏望曲 宋名臣奏議卷五十五 其事有合行而稽留未進呈者時與督責執政庶 目股肱之任不至偏廢而治道可望在明斷而行 月 吉

金分口匠台章

卷五十五